

經史百家雜鈔



詞賦之屬下編二

曹植制命宗聖侯孔羨奉家祀碑

陸機漢高祖功臣頌

陸雲榮啟期贊

張華女史箴

張載劍閣銘

嵇康太師箴

潘尼乘輿箴
釋奠頌

摯虞太康頌
尙書令箴

郭璞山海經圖贊

夏侯湛東方朔畫贊

袁宏三國名臣序贊

孫綽聘士徐君墓頌

陶潛讀史述

傅玄擬金人銘作口銘

裴子野女史箴

卞蘭座右銘

王褒皇太子箴

高允徵士頌

元結中興頌

韓愈五箴 後漢三賢贊

柳宗元伊尹五就桀贊 平淮夷雅

程子四箴

范浚心箴

朱子六先生畫像贊

湘鄉曾國藩纂

合肥李鴻章校刊

詞賦之屬下編二

曹植制命宗聖侯孔羨奉家祀碑

維黃初元年大魏受命。亂軒轅之高蹤。紹虞氏之遐統。應歷數以改物。揚仁風以作教。於是輯五瑞。班宗彝。鈞衡石。同度量。秩羣祀於無文。順天時以布化。既乃緝熙聖緒。紹顯上世。追存三代之禮。兼紹宣尼之後。以魯縣百戶。命孔子二十一世孫議郎孔羨爲宗聖侯。以奉孔子之祀。制詔三公曰。昔仲尼負大聖之才。懷帝王之器。當衰周之末。而無受命之運。在魯衛之朝。教化洙泗之上。栖栖焉。皇皇焉。欲屈己以存道。貶身以救世。於是王公終莫能用之。乃退考五代之禮。修素王之事。因魯史而制春秋。就太史而正雅頌。俾千載之後。莫不宗其文以述作。仰其聖以謀咨。可謂命世大聖。億載之師表者也。遭天下大亂。百祀墮壞。舊居之廟。毀而不修。衰成之後。絕而莫繼。闕里不聞講誦之聲。四時不睹烝嘗之位。斯豈所謂崇禮報功。盛德必百世祀者哉。嗟乎。朕甚憫焉。其以議郎孔羨爲宗聖侯。邑百戶。奉孔子之祀。令魯郡修起舊廟。置百戶卒史以守衛之。又

於其外。廣爲屋宇。以居學者。於是魯之父老。諸生游士。睹廟堂之始復。觀俎豆之初設。嘉聖靈於髣髴。想禎祥之來集。乃慨然而歎曰。大道衰廢。禮樂絕滅。三十餘年。皇上懷仁聖之懿德。兼二儀之化育。廣大包於無方。淵深淪於不測。故自受命以來。天人咸和。神氣氤氲。嘉瑞踵武。休徵屢臻。殊俗解編髮而慕義。遐夷越險阻而來賓。雖太皞遊龍。以君世。虞氏儀鳳。以臨民。伯禹命元宮而爲夏后。西伯由岐社而爲周文。尙何足稱於大魏哉。若乃紹繼微絕。興修廢官。嚮咨稽古。崇配乾坤。況神明之所福。作宇宙之所觀。欣欣之色。豈徒魯邦而已哉。爾乃感殷人路寢之義。嘉先民泮宮之事。以爲高宗僖公。蓋嗣世之王。諸侯之國耳。猶著德於三代。騰聲於千載。況今聖王。肇造區夏。創業垂統。受命之日。曾未下輿。而褒美大聖。隆化如此。能無頌乎。乃作頌曰。

煌煌大魏。受命溥將。繼體黃唐。包夏含商。降釐下土。廓清三光。羣祀咸秩。靡事不綱。嘉彼元聖。有赫其靈。遭世霧亂。莫顯其榮。褒成旣絕。寢廟斯傾。闕里蕭條。靡紹靡馨。我皇悼之。尋其世武。乃建宗聖。以紹厥後。修復舊堂。豐其費宇。莘莘學徒。爰居爰處。王教旣新。羣小並且。魯道以興。永作憲巨。共聲豈足。申氏來口。水故維恩。器成乃來。日之五成。

陸機漢高祖功臣頌

相國鄧文繆侯沛蕭何。相國平陽懿侯沛曹參。太子少傅留文成侯韓張良。丞相曲逆
獻侯陽武陳平。楚王淮陰韓信。梁王昌邑彭越。淮南王六黥布。趙景王大梁張耳。韓王
韓信。燕王豐盧綰。長沙文王吳芮。荊王沛劉賈。太傅安國懿侯王陵。左丞相絳武侯沛
周勃。相國舞陽侯沛樊噲。右丞相曲周景侯高陽酈商。太僕汝陰文侯沛夏侯嬰。丞相
潁陰懿侯睢陽灌嬰。代丞相陽陵景侯魏傅寬。車騎將軍信武肅侯靳歙。大行廣野君
高陽酈食其。中郎建信侯齊劉敬。大中大夫楚陸賈。太子太傅稷嗣君薛叔孫通。魏無
知。護軍中尉隨何。新城三老董公。轅生。將軍紀信。御史大夫沛周苛。平國君侯公。右三
十一人。與定天下安社稷者也。頌曰。

芒芒宇宙。上塲下躡。波振四海。塵飛五岳。九服徘徊。三靈改卜。赫矣高祖。肇載天祿。沈
迹中鄉。飛名帝錄。慶雲應輝。皇階授木。龍興泗濱。虎嘯豐谷。彤雲晝聚。素靈夜哭。金精
仍頽。朱光以渥。萬邦宅心。駿民效足。堂堂蕭公。王迹是因。綢繆叡后。無競維人。外濟六
師。內撫三秦。拔奇夷難。邁德振民。體國垂制。上穆下親。名蓋羣后。是謂宗臣。平陽樂道。

在變則通。爰淵。爰嘿。有此武功。長驅河朔。電擊壤東。協策淮陰。亞迹蕭公。文成作師。通幽洞冥。永言配命。因心則靈。窮神觀化。望影揣情。鬼無隱謀。物無遁形。武關是闢。鴻門是甯。隨難榮陽。卽謀下邑。銷印甚廢。推齊勸立。運籌固陵。定策東襲。三王從風。五侯允集。霸楚實喪。皇漢凱入。怡顏高覽。彌翼鳳戢。託迹黃老。辭世卻粒。曲逆宏達。好謀能深。遊精杳漠。神迹是尋。重立匪奧。九地匪沈。伐謀先兆。擠響于音。奇謀六奮。嘉慮四迴。規主於足。離項于懷。格人乃謝。楚翼實摧。韓王窘執。胡馬洞開。迎文以謀。哭高以哀。灼灼淮陰。靈武冠世。策出無方。思入神契。奮臂雲興。騰迹虎噬。凌險必夷。摧剛則脆。肇謀漢濱。還定渭表。京索旣扼。引師北討。濟河夷魏。登山滅趙。威亮火烈。勢踰風埽。拾代如遺。偃齊猶草。二州肅清。四邦咸舉。乃眷北燕。遂表東海。克滅龍且。爰取其旅。劉項懸命。人謀是與。念功惟德。辭通絕楚。彭越觀時。弋迹匿光。人具爾瞻。翼爾鷹揚。威凌楚域。質委漢王。靖難河濟。卽宮舊梁。烈烈黥布。眈眈其眊。名冠彊楚。鋒猶駭電。覩幾蟬蛻。悟主革面。肇彼臯風。翻爲我扇。天命方輯。王在東夏。矯矯三雄。至于垓下。元凶旣夷。寵祿來假。保大全祚。非德孰可。謀之不臧。舍福取禍。張耳之賢。有聲梁魏。士也罔極。自台尹鬼。府

禍甯爲亂亡。吳芮之王。祚由梅鋗。功微勢弱。世載忠賢。肅肅荆王。董我三軍。我圖四方。殷薦其勳。庸親作勞。舊楚是分。往踐厥宇。大啓淮墳。安國違親。悠悠我思。依依哲母。旣明且慈。引身伏劍。永言固之。淑人君子。實邦之基。義形於色。憤發于辭。主亡與亡。末命是期。絳侯質木。多略寡言。曾是忠勇。惟帝攸歎。雲鷺靈邱。景逸上蘭。平代禽豨。奄有燕韓。甯亂以武。弊呂以權。滌穢紫宮。徵帝太原。實惟太尉。劉宗以安。挾功震主。自古所難。勳耀上代。身終下藩。舞陽道迎。延帝幽藪。宣力王室。匪惟厥武。總于鴻門。披闕帝宇。聳顏誚項。掩淚悟主。曲周之進。于其哲兄。俾率爾徒。從王于征。振威龍蛻。據武庸城。六師寔因。克荼禽鯨。猗歟汝陰。綽綽有裕。戎軒肇迹。荷策來附。馬煩轡殆。不釋擁樹。皇儲時乂。平城有謀。潁陰銳敏。屢爲軍鋒。奮戈東城。禽項定功。乘風藉響。高步長江。收吳引淮。光啟于東。陽陵之勳。元帥是承。信武薄伐。揚節江陵。夷王殄國。俾亂作懲。恢恢廣野。誕節令圖。進謁嘉謀。退守名都。東窺白馬。北距飛狐。卽倉敖庾。據險三塗。輶軒東踐。漢風載徂。身死于齊。非說之辜。我皇實念。言祚爾孤。建信委輅。被褐獻寶。指明周漢。銓時論道。移帝伊洛。定都鄴鎬。柔遠鎮邇。實敬攸考。抑抑陸生。知言之貫。往制勁越。來訪皇漢。

附會平勃。夷凶翦亂。所謂伊人。邦家之彥。百王之極。舊章靡存。漢德雖朗。朝儀則昏。稷嗣制禮。下肅上尊。穆穆帝典。煥其盈門。風晞三代。憲流後昆。無知嚮敏。獨昭奇迹。察倖蕭相。貺同師錫。隨何辯達。因資於敵。紓漢披楚。惟生之績。皤皤董叟。謀我平陰。三軍縞素。天下歸心。袁生秀朗。沈心善照。漢旆南振。楚威自撓。大略淵回。元功響効。邈哉惟人。何識之妙。紀信誑項。軺軒是乘。攝齊赴節。用死孰懲。身與煙銷。名與風興。周苛慷慨。心若懷冰。刑可以暴。志不可凌。貞軌偕沒。亮迹雙升。帝疇爾庸。後嗣是膺。天地雖順。王心有違。懷親望楚。永言長悲。侯公伏軾。皇媼來歸。是謂平國。寵命有輝。震風過物。清濁効響。大人于興。利在攸往。弘海者川。崇山惟壤。韶濩錯音。哀龍比象。明明衆哲。同濟天網。劍宣其利。鑒獻其朗。文武四充。漢祚克廣。悠悠遐風。千載是仰。

陸雲榮啟期贊

榮啟期者。周時人也。值衰世之季末。當王道之頽凌。遂隱居窮處。遺物求己。泝懷元妙之門。求意希微之域。天子不得而臣。諸侯不得而友。行年九十。被裘鼓琴而歌。孔子過之。問曰。先生何樂。答曰。吾樂甚多。天生萬物。惟人爲貴。吾得爲人矣。是一樂也。以男爲

路曰。吾著裘者何求。帶索者何索。遂放志一邱。滅景榛藪。居眞思樂之林。利涉忘憂之沼。以卒其天年。榮華溢世。不足以盈其心。萬物兼陳。不足以易其樂。絕景雲霄之表。濯志北溟之津。豈非天眞至素。體正含和者哉。友人有圖其象者。命爲之贊。其辭曰。

芒芒至道。天啟德心。自昔逸民。遁志山林。邈矣先生。如龍之潛。夷明收察。滅迹在陰。傲世求己。遺物自欽。景遯瓊輝。響和絕音。戀彼邱園。研道之微。思樂寒泉。薄採春蕤。鳴絃清泛。撫節高徽。有聖戾止。永言傷悲。天造草昧。負道是嘉。於鑠先生。旣體斯和。熊羆作祥。黃髮皤皤。耽此三樂。遺彼世華。翼翼彼路。行吟以遊。的的黻冕。陋我輕裘。永脫亂世。受言一邱。媚茲常道。聊以忘憂。

張華女史箴

茫茫造化。兩儀始分。散氣流形。旣陶旣甄。在帝庖犧。肇經天人。爰始夫婦。以及君臣。家道以正。而王猷有倫。婦德尙柔。含章貞吉。婉婉淑慎。正位居室。樊姬感莊。不食鮮禽。衛女矯桓。耳忘和音。志厲義高。而二主易心。元熊攀檻。馮媛趨進。夫豈無畏。知死不恡。班妾有辭。割歡同輦。夫豈不懷。防微慮遠。道罔隆而不殺。物無盛而不衰。日中則昃。月滿

則微崇猶塵積。替若駭機。人咸知飾其容。而莫知飾其性。性之不飾。或愆禮正。斧之藻之。克念作聖。出其言善。千里應之。苟違斯義。同衾以疑。出言如微。而榮辱由茲。勿謂幽昧。靈鑒無象。勿謂元漠。神聽無響。無矜爾榮。天道惡盈。無恃爾貴。隆隆者墜。鑒於小星。戒彼攸遂。比心螽斯。則繁爾類。懽不可以瀆。寵不可以專。專實生慢。愛極則遷。致盈必損。理有固然。美者自美。翩以取尤。冶容求好。君子所仇。結恩而絕。職此之由。故曰翼翼矜矜。福所以興。靖恭自思。榮顯所期。女史司箴。敢告庶姬。

張載劍閣銘

巖巖梁山。積石嶺嶺。遠屬荆衡。近綴岷嶓。南通邛笮。北達褒斜。狹過彭碣。高踰嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清斯順。閉由往漢。開自有晉。秦得百二。并吞諸侯。齊得十二。田生獻籌。矧茲狹隘。土之外區。一人荷戟。萬夫趨赴。形勝之地。匪親勿居。昔在武侯。中流而喜。山河之固。見屈吳起。興實在德。險亦難恃。洞庭孟門。二國不祀。自古迄今。天命匪易。憑阻作昏。鮮不敗績。公孫旣滅。劉氏銜璧。覆車之軌。無或重迹。功名可敗。古今共鑑。

機觸害智不救生宗長歸仁自然之情故君道自然必託賢明茫茫在昔罔或不甯赫胥既往紹以皇義默靜無文太僕未虧萬物熙熙不天不離爰及唐虞猶篤其緒體資易簡應天順矩稀褐其裳土木其宇物或失性懼若在予疇咨熙載終禪舜禹夫統之者勞仰之者逸至人重身棄而不恤故子州稱疢石戶乘桴許由鞠躬辭長九州先王仁愛愍世憂時哀萬物之將頽然後泣之下逮德衰大道沈淪智慧日用漸私其親懼物乖離缺

肇仁利巧愈競繁禮屢陳刑教爭施天性喪真季世陵遲繼體承資憑尊恃勢不友不師宰割天下以奉其私故君位益侈臣路生心竭智謀國不吝灰沈賞罰之存莫勸莫禁若乃驕盈肆志阻兵擅權矜威縱虐禍蒙邱山刑本懲暴今以脅賢昔爲天下今爲一身下疾其上君猜其臣喪亂宏多國乃殞顛故殷辛不道首撥素旗周朝敗度彘人是謀楚靈極暴乾谿潰叛晉厲殘虐樂書作難主父棄禮轂胎不宰秦皇荼毒禍流四海是以亡國繼踵今古相承醜彼摧滅而襲其亡徵初安若山後敗如崩臨刃振鋒悔何所增故居帝王者無曰我尊慢爾德音無曰我彊肆于驕淫棄彼佞倖納此還顏諛言順耳染德生患悠悠庶類我控我告惟賢是授何必親戚順乃造好民

實胥效。治亂之原。豈無昌教。穆穆天子。思聞其僣。虛心導人。允求讜言。師臣司訓。敢告在前。

潘尼乘輿箴

易稱有天地。然後有人倫。有父子。然後有君臣。傳曰。大者天地。其次君臣。然君臣父子之道。天地人倫之本。未有以先之者也。故天生蒸人而樹之君。使司牧之。將以導羣生之性。而理萬物之情。豈以寵一人之身。極無量之欲。如斯而已哉。夫古之爲君者。無欲而至公。故有茅茨土階之儉。而後之爲君。有欲而自利。故有瑤臺瓊室之侈。無欲者天下共推之。有欲者天下共爭之。推之之極。雖禪代猶脫屣。爭之之極。雖劫殺而不避。故曰。天下非一人之天下。乃天下之天下。安可求而得。辭而已者乎。夫修諸己而化諸人。出乎邇而見乎遠者。言行之謂也。故人主所患。莫甚於不知其過。而所美莫美於好聞其過。若有君於此。而曰。予必無過。惟其言而莫之違。斯孔子所謂其庶幾乎一言而喪邦者也。蓋君子之過。如日月之蝕。過也人皆見之。更也人皆仰之。雖以堯舜湯武之盛。必有誹謗之木。敢諫之鼓。盤杆之銘。無諱之史。所以閑其邪僻。而納諸正道。其自維持。

誠先儒既援古義舉內外之殊而高祖亦序六官論成敗之要義正辭終又盡善矣自
虞人箴以至于百官非惟規其所司誠欲人主斟酌其得失焉春秋傳曰命百官箴王
闕則亦天子之事也尼以爲王者膺受命之期當神器之運總萬機而撫四海簡羣才
而審所授孜孜於得人汲汲於聞過雖廷爭面折猶將祈請而求焉至於箴規諫之順
者曷爲獨闕之哉是以不量其學陋思淺因負擔之餘嘗試撰而述之不敢斥至尊之
號故以乘輿目篇蓋帝王之事至大而古今之變至衆文繁而義詭意局而辭野將欲
希企前賢髣髴崇軌譬猶邱垤之望華岱恆星之繫日月也其不逮明矣頌曰

元元遂初茫茫太始清濁同流元黃錯跖上下弗形尊卑靡紀赫胥悠哉大庭尙矣皇
極啓建兩儀旣分彝倫永序萬邦已紛國事明王家奉嚴君各有攸尊德用不勤羲農
已降暨于夏殷或禪或傳乃質乃文太上無名下知有之仁義不存而人歸孝慈無爲
無執何欲何思忠心之薄禮刑實滋旣譽旣畏以侮以欺作誓作盟而人始叛疑煌煌
四海藹藹萬乘匪誓焉憑左輔右弼前疑後丞一日萬機業業兢兢夫出其言善則千
里是應而莫余違亦喪邦有徵樞機之動式以廢興殷監不遠若之何勿懲且厚味腊
毒豐屋生災辛作璇室而夏興瑤臺糟邱酒池象筭玉杯厥肴伊何龍肝豹胎惟此哲

婦職爲亂階。殷用喪師。夏亦不恢。是以帝堯在位。茅茨不翦。周文日昃。昧旦不顯。夫德輶如毛。而或舉之者鮮。故湯有慙德。武未盡善。下世道衰。末俗化淺。耽樂逸遊。荒淫沈湎。不式古訓。而好是佞辯。不遵王路。而覆車是踐。成敗之效。載在先典。匪惟陵夷。厥世用殄。故曰。樹君如之何。將人是司。牧視之猶傷。而知其寒燠。故能撫之斯柔。而敦之斯睦。無遠不懷。靡思不服。夫豈厭縱一人。而玩其耳目。內迷聲色。外荒馳逐。不修政事。而終於顛覆。昔唐氏授舜。舜亦命禹。受終納祖。不承天序。放桀惟湯。尅殷伊武。故禪代非一姓。社稷無常主。四嶽三塗。九州之阻。彭蠡洞庭。殷商之旅。虞夏之隆。非由尺土。而紂之百尅。卒於絕緒。故王者無親。唯在擇人。傾蓋惟舊。白首乃新。望由釣夫。伊起有莘。負鼎鼓刀。而謀合聖神。夫豈借官左右。而取介近臣。蓋有國有家者。莫云我聰。或此面從。莫謂我智。聽受未易。甘言美。熾。不爲累。由夷逃寵。遠於脫屣。柰何人主。位極則侈。知人則哲。惟帝所難。唐朝旣泰。四族作奸。周室旣隆。而管蔡不虔。匪我二聖。孰弭斯患。若九德咸受。僞又在官。君非臣莫治。臣非君莫安。故書美康哉。而易貴金蘭。有皇司國。敢告納言。

崇政殿。實應天縱生知之量。微言奧義。發自聖問。業終而體達。至三年春閏月。將有事於上庠。釋奠于先師。禮也。越二十四日景申。侍祠者既齊。輿駕次于太學。太傅在前。少傅在後。恂恂乎宏保訓之道。宮臣畢從。三率備衛。濟濟乎肅翼贊之敬。乃埽壇爲殿。懸幕爲宮。夫子位于西序。顏回侍于北墉。宗伯掌禮。司儀辨位。二學儒官。搢紳先生之徒。垂纓佩玉。規行矩步者。皆端委而陪於堂下。以待執事之命。設樽篚於兩楹之間。陳罍洗於阼階之左。几筵既布。鐘懸既列。我后乃躬拜俯之勤。資在三之義。謙光之美。彌劭闕里之教。克崇穆穆焉。邕邕焉。眞先王之徽典。不刊之美業。允不可替已。於是牲饋之事既終。享獻之禮已畢。釋元衣。御春服。弛齋禁。反故式。天子乃命內外羣司。百辟卿士。蕃王三事。至于學徒國子。咸來觀禮。我后皆延而與之燕。金后簫管之音。八佾六代之舞。鏗鏘闐闐。般辟俛仰。可以激神滌欲。移風易俗者。罔不畢奏。抑淫哇。屏鄭衛。遠佞邪。釋巧辯。是日也。人無愚智。路無遠邇。離鄉越國。扶老攜幼。不期而俱萃。皆延頸以視。傾耳以聽。希道慕業。洗心革志。想洙泗之風。歌來蘇之惠。然後知居室之善。著應乎千里之外。不言之化。洋溢於九有之內。於熙乎若典。固皇代之壯觀。萬載之一會也。尼昔忝

禮官嘗聞俎豆。今厠末列。親覩盛美。激漬徽猷。沐浴芳潤。不知手舞口詠。竊作頌一篇。
義近辭陋。不足測盛德之形容。光聖明之遐度。其辭曰。

二元迭運。五德代徽。黃精旣亢。素靈乃暉。有皇承天。造我晉畿。祚以大寶。登以龍飛。宣
基誕命。景熙遐緒。三分自文。受終惟武。席卷要蠻。蕩定荒阻。道濟羣生。化流率土。後帝
承式。不隆曾構。奄有萬方。光宅宇宙。篤生上嗣。繼期挺秀。聖敬日躋。濬哲閎茂。留精儒
術。敦閱古訓。遵道讓齒。降心下問。鋪以金聲。光以玉潤。如日之升。如乾之運。乃延台保。
乃命學臣。聖容穆穆。侍講闇闇。抽演微言。啓發道真。探幽窮蹟。溫故知新。講業旣終。精
義旣研。崇聖重師。卜日告奠。陳其三牢。引其四縣。旣戒旣式。乃盥乃薦。恂恂孔聖。百王
攸希。亶亶顏生。好學無違。曰皇儲后。體神合機。兆吉先見。知來洞微。濟濟二宮。藹藹庶
寮。俊乂鱗萃。髦士盈朝。如彼和肆。莫匪瓊瑤。如彼儀鳳。樂我雲韶。瓊瑤誰剖。四門洞開。
雲韶奚樂。神人允諧。蟬冕耀庭。細佩振階。德以謙光。仁以恩懷。我酒惟清。我看惟馨。舞
以六代。歌以九成。莘莘胄子。祁祁學生。洗心自百。觀國之榮。學猶蒔苗。化若偃草。博我
以文。宏我以道。萬邦蟬蛻。矧乃俊遊。鑽蚌瑩珠。剖石摘藻。絲匪元黃。水罔方圓。引之斯